

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 16-02-2023		
Org. jed.	Red. broj	Red. broj
04	04	923/23

Broj: 02-04-222/23-AP-9
Datum: 13.02.2023.. godine

GRADSKO VIJEĆE ZAVIDOVIĆI
n/r PREDSJEDAVAJUĆI GRADSKOG VIJEĆA

PREDMET: Prijedlog odluke o standardima i kriterijima
za imenovanje u Gradskom pravobranilaštvu Zavidovići, dostavlja se

U prilogu akta dostavljam Vam Prijedlog odluke o standardima i kriterijima za imenovanje u Gradskom pravobranilaštvu Zavidovići.

Prijedlog odluke o standardima i kriterijima za imenovanje u Gradskom pravobranilaštvu Zavidovići sa obrazloženjem dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacрта u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 – Prečišćen tekst).

S poštovanjem.

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-222/23-AP-4

Datum: 13.02.2023. godine

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), člana 10. i 15. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022) i člana 25. Statuta općine Zavidovići („Službeni glasnik općine Zavidovići“, broj: 5/2008, 5/a/2008 i 11/2019), Gradsko vijeće Zavidovići, na _ . sjednici održanoj dana _ .02.2022. godine, donosi

O D L U K A

o standardima i kriterijima za imenovanje
u Gradskom pravobranilaštvu Zavidovići

I – OPĆE ODREDBE

Član 1.

(Predmet regulisanja)

Ovom Odlukom utvrđuju se standardi i kriteriji za imenovanje na pozicije gradskog pravobranioca i zamjenika gradskog pravobranioca u Gradskom pravobranilaštvu Zavidovići.

II - USLOVI ZA IMENOVANJE GRADSKOG PRAVOBRANIOCA I ZAMJENIKA GRADSKOG PRAVOBRANIOCA

Član 2.

(Opći uslovi za imenovanje)

(1) Kandidati za imenovanje na poziciju gradskog pravobranioca i zamjenika gradskog pravobranioca treba da ispunjavaju opće i posebne uslove za imenovanja koji su utvrđeni ovom Odlukom.

(2) Opći uslovi za imenovanje na pozicije gradskog pravobranioca i zamjenika gradskog pravobranioca su:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/08),
- g) da nema privatni finansijski interes u Gradskom pravobranilaštvu Zavidovići,

- h) da nije osuđivan za krivično djelo nespojivo sa imenovanjem na dužnost gradskog pravobranioca i zamjenika gradskog pravobranioca, pet godina od dana pravosnažnosti presude, isključujući vrijeme zatvorske kazne,
- i) da nije stariji od 70 godina na dan imenovanja.

Član 3.

(Posebni uslovi za imenovanje)

(1) Posebni uslovi za imenovanje na pozicije gradskog pravobranioca i zamjenika gradskog pravobranioca su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova pravnog smjera,
- b) položen pravosudni ispit,
- c) najmanje četiri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima/preduzećima i drugim pravnim osobama,
- d) da nije član nadzornog ili upravnog odbora, odnosno odbora za reviziju nekog privrednog društva ili institucije,
- f) da nije vlasnik ili član uprave privrednog društva ili institucije,
- g) sposobnost za savjesno i odgovorno obavljanje dužnosti upražnjene pozicije,
- h) sposobnost nepristrasnog donošenja odluka,
- i) stručno znanje iz nadležnosti Gradskog pravobranilaštva Zavidovići,
- j) komunikacijske i organizacijske sposobnosti,
- k) sposobnost upravljanja finansijskim i ljudskim resursima,
- l) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Izuzetno od stava (1) ovog člana, za zamjenika gradskog pravobranioca može biti imenovan kandidat koji ima najmanje tri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima/preduzećima i drugim pravnim osobama.

(3) Prilikom procjene posebnih uvjeta, kriteriji navedeni pod tačkama od g) do l) stava (1) ovog člana izrazit će se u bodovima od 1-5.

III – POSTUPAK POPUNE POZICIJA GRADSKOG PRAVOBRANIOCA I ZAMJENIKA GRADSKOG PRAVOBRANIOCA

Član 4.

(Imenovanje i razrješenje)

Gradskog pravobranioca i zamjenika gradskog pravobranioca imanjuje i razrješava Gradsko vijeće Zavidovići na prijedlog gradonačelnika.

Član 5.

(Raspisivanje javnog oglasa)

Odluku o raspisivanju javnog oglasa za popunu upražnjenih pozicija gradskog pravobranioca i zamjenika gradskog pravobranioca donosi gradonačelnik u skladu sa Zakonom o pravobranilaštvu („Službene novine ZDK“, broj: 12/13) i Zakonom o ministarskim, vladinim i drugim imenovanjima Federacije Bosne i Hercegovine na prijedlog Stručne službe gradonačelnika.

Član 6.
(Trajanje mandata i sukob interesa)

(1) Gradski pravobranilac se imenuje na period od četiri godine, a zamjenika gradskog pravobranioca se imenuje na neodređeno vrijeme.

(2) U slučaju prestanka obavljanja dužnosti gradskog pravobranioca prije isteka perioda imenovanja od četiri godine, novoimenovanom kandidatu na poziciji gradskog pravobranioca mandat traje četiri godine.

(3) Prije stupanja na dužnost gradski pravobranilac i zamjenik gradskog pravobranioca potpisuju izjavu o nepostojanju sukoba interesa i daju svečanu zakletvu pred Gradskim vijećem Zavidovići koja glasi „Zaklinjem se da ću se u vršenju službe gradskog pravobranioca – zamjenika gradskog pravobranioca pridržavati Ustava i zakona Bosne i Hercegovine, Federacije Bosne i Hercegovine, Zeničko-dobojskog kantona, Statuta Grada Zavidovići i da ću službu obavljati savjesno“.

Član 7.
(Komisija za izbor)

(1) Za sprovođenje postupka imenovanja gradskog pravobranioca i zamjenika gradskog pravobranioca imenuje se Komisija za izbor.

(2) Komisiju za izbor imenuje Gradsko vijeće Zavidovići na prijedlog gradonačelnika.

(3) Komisija za izbor se sastoji od pet (5) članova, a imenuju se u skladu sa kriterijima utvrđenim članom 9. Zakona o ministarskim, vladinim i drugim imenovanjima.

(4) Komisija za izbor u okviru svojih nadležnosti:

a) vrši pregled prijava kandidata,

b) sastavlja listu s užim izborom najboljih kandidata koji ispunjavaju kriterije za imenovanje,

c) provodi intervju sa svim kandidatima koji su ušli u užu izbor,

d) dostavlja potrebne obrasce kandidatima koji su ušli u užu izbor,

e) predlaže Gradskom vijeću Zavidovići putem pismene preporuke rang - listu najboljih kandidata na daljnje razmatranje,

f) vrši i druge poslove koji proizilaze iz Zakona i ove Odluke.

IV – ZAVRŠNE ODREDBE

Član 8.
(Stupanje na snagu)

Ova Odluka stupa na snagu prvog narednog dana nakon njezinog objavljivanja u „Službenom glasniku Grada Zavidovići“.

PREDSJEDAVAJUĆI
GRADSKOG VIJEĆA

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

U članu 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) propisao je: „Osim ovih općih uvjeta, u svrhu određivanja temelja za izbor prema kvaliteti, odgovorni javni službenik će utvrditi standarde za izbor i ocjenjivanje u smislu stupnja naobrazbe, znanja, iskustva, poznavanja stranih jezika i drugoga, što je, prema njegovu mišljenju, neophodno ili poželjno s obzirom na prirodu poslova koje treba obavljati“.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

U cilju propisivanja standarda i kriterija koji će se primijenivati za imenovanje na pozicije gradskog pravobranioca i zamjenika gradskog pravobranioca, predlaže se donošenje ove Odluke.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 – Prečišćeni tekst).

USKLAĐENOST ODLUKE S KANTONALNIM I FEDERALNIM ZAKONODAVSTVOM

Prijedlog odluke o standardima i kriterijima za imenovanja u Gradskom pravobranilaštvu Zavidovići usklađen je sa Zakonom o ministarskim, vladinim i drugim imenovanjima Federacije Bosne i Hercegovine i Zakonom o pravobranilaštvu („Službene novine ZDK“, broj: 7/10) .

O B R A Z L O Ž E N J E P R A V N I H R J E Š E N J A U O D L U C I

U članu 1. Prijedloga odluke propisane su pozicije u Gradskom pravobranilaštvu Zavidovići za koje se propisuju standardi i kriteriji koji se primjenjuju prilikom imenovanja na iste.

U članu 3. stav (3) Prijedloga odluke propisan je način dodjele bodova prilikom rangiranja kandidata, tako da će se rang - lista najboljih kandidata koji mogu biti imenovani na upražnjenu poziciju utvrditi na osnovu izračuna bodova svih članova Komisije putem propisanog obrasca.

U članu 6. Prijedloga odluke propisano je trajanje mandata gradskog pravobranioca i njegovog zamjenika zbog primjene Zakona o pravobranilaštvu („Službene novine ZDK“, broj: 12/13).

P R O V E D B E N I M E H A N I Z M I I N A Č I N O S I G U R A V A N J A P O Š T I V A N J A O D L U K E

Provedbeni mehanizmi i način osiguravanja poštivanja ove Odluke propisani su Zakonom o ministarskim, vladinim i drugim imenovanjima u Federaciji Bosne i Hercegovine kroz principe imenovanja propisane u članu 3. Zakona, te kroz mehanizam odgovornosti odgovornog javnog službenika, javnosti, transparentnosti i pravo prigovora propisanom u članu 6., 7., 8. 13. i 16. istog Zakona.


OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE


Tokom izrade Prijedloga odluke nisu vršene su konsultacije prilikom izrade, jer se ne radi o obimnoj i složenoj odluci.

Obradio:


(Nermin Čahtarević)



GRADONAČELNIK


doc. dr. Hašim Mušanović



Komisija za Statut i propise

Broj: 01-04-423/23-AP-2

Datum: 20.02.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Komisija za Statut i propise na 17. sjednici održanoj dana 20.02.2023. godine, razmatrala je Prijedlog Odluke o standardima i kriterijima za imenovanje u Gradskom pravobranilaštvu Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o standardima i kriterijima za imenovanje u Gradskom pravobranilaštvu Zavidovići, uskladi sa članom 7. Zakona o Ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), članom 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022).

2. Komisija za Statut i propise smatra da je Prijedlog Odluke o standardima i kriterijima za imenovanje u Gradskom pravobranilaštvu Zavidovići, pripremljen u skladu sa Jedinim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

3. Prijedlog Odluke o standardima i kriterijima za imenovanje u Gradskom pravobranilaštvu Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog zaključka starat će se Stručna služba Gradskog vijeća.

ZAMJENIK PREDSJEDNIKA KOMISIJE

Amir Tursić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za izbor i imenovanja

Broj: 01-04-423/23-AP-3

Datum: 20.02.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) člana 40. i 48. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za izbor i imenovanja, na 15. sjednici održanoj dana 20.02.2023. godine, razmatrala je Prijedlog Odluke o standardima i kriterijima za imenovanje u Gradskom pravobranilaštvu Zavidovići, pa nakon rasprave donijela

ZAKLJUČAK

1. Komisija za izbor i imenovanja prihvata Prijedlog Odluke o standardima i kriterijima za imenovanje u Gradskom pravobranilaštvu Zavidovići.
2. Prijedlog Odluke o standardima i kriterijima za imenovanje u Gradskom pravobranilaštvu Zavidovići, dostavlja se predsjedavajućem radi uvrštavanja u dnevni red sjednice Gradskog vijeća Zavidovići.
3. O realizaciji ovog zaključka starat će se Stručna služba Gradskog vijeća.

ZAMJENIK PREDSJEDNIKA KOMISIJE

Demir Buljubašić, profesor

